


醫
案
存
真
一



葉氏醫案存真

元孫萬青校刊

通下下通脘中仍結上下格拒者乃上熱下寒古人用
麻沸湯煮涼藥以解上濃煎溫補以治下使陽氣不脫
鬱熱自罷今倣之

黃芩

小川連

枳實

右三味

入滾水中煮
五十沸即濾

人參

淡附子

乾薑

上三味

煎濃汁一盃
和入前藥服

痧攻上觸必傾囊嘔物此胃中得食氣壅肝邪無以洩
越得吐而解蓋木鬱達之也此番病發原自怒起其爲



肝厥何疑

炒黑川椒

炒小茴香

川楝子

橘核

青皮汁

青木香

3.
虛損心熱齟乾咳嗽失血此天氣令降身中龍相反升
下焦真氣不得收納故也惟寧神靜坐斯天君不動自
得陰上承陽下降地天交而成泰矣

紫胡桃肉

坎炁

糯稻根鬚

北五味子

白蜜

今年七月秋暑未除初病頭痛身熱是暑由上竅傷及
清陽醫藥當辛涼取氣同氣相求中上之輕邪自散無

如辛溫苦寒清滋之類雜然竝投水穀內蒸氤氲不解
見症仍在身半以上軀殼之間非關臟腑大病第能疏
食十日可解上焦之鬱

川芎 薄荷 荊芥炭 炒白芷 蔓荊子 菊花

蒂 元茶 三錢 煎湯代水

精傷痿躄尻髀跗脛皆如槁木不知冷熱糞黑腸枯用
潤劑通陰中之陽病人自覺熱從內起畧有活動但係
沉痼之病未許其能却疾也

鹿茸 當歸 枸杞子 熟地 虎骨膠 舶茴香

沙蒺藜 牛膝

脈濇小數質弱平昔喜飲酒性先入肝膽故易生嗔怒
且塗次侍親煩勞鬱熱自情懷而升病屬鬱勞惟怡悅
爲上用藥不易奏功

桑葉

川貝母

粉丹皮

山梔殼

天花粉

蜜炒廣皮

胃主納脾主運能食不化泄瀉治在太陰脾臟此臟爲
柔臟陽動則能運凡陰藥取味皆靜歸地之屬反助病
矣



淡附子

淡乾薑

生益智

生砂仁

人參

茯苓

脈弦舌白吐涎食入膈上即湧出自述由動怒得之春
病至霜降不愈心中反痛以肝病犯胃治法

金鈴子

延胡索

良薑

茯苓

炒半夏

砂仁殼

形壯色白氣虛有痰痰阻經絡氣血不通經事三年不
來古人治此必以調氣為先蓋氣為血帥也見病治病
終亦無裨

生台朮 茯苓塊 香附 砂仁 蒺藜 製半夏

淡水熬膏臨好以文火燉收清晨開水調服

孕育已十一胎未到七七天癸已絕八脈不司約束脊
腰痠痛足跗骨中麻痺間有帶淋畏熱此屬陰虛虎潛
法治之

熟地 龜版 虎骨膠 知母 當歸 白芍

黃柏 牛膝

虛損真陰內涸當戊己君火主令立夏小滿陽氣交併
於上喉舌腫腐是陰不上承薰蒸膩涎吐咯不清皆五



12. 液之變由司氣感及軀質而然檢古方以仲景少陰咽痛例用猪膚湯

用白虎法渴煩少減暑饑必形神奕倦津液既遭熱迫陽明脈絡自怯當以清燥法清氣熱以涵液

13. 人參 麥冬 知母 石膏 生地 阿膠 甘草

三日瘡是邪于陰經表散和解不能去病詢知不慎口腹食物之氣亦能助邪宜先理脾胃而廓清之

桂枝木 生鱉甲 烏梅肉 常山 廣皮 知母

草果 淡黃芩



心悸如饑頭暈肢麻此乃內起肝風汗多淋漓氣弱陽
洩近日肌浮腹大木傳土也倣丹溪養金制木使脾少
賦邪之害

阿膠 天冬 生白芍 細生地 麥冬 明天麻

菊花炭

痘後四肢瘍毒延綿日久聚集環跳膝跗以致不能行
走乃沉痾難愈之疾據述筋粗強硬不司舒展內經病
能篇筋縱筋弛分寒濕濕熱之異但痘漿未化之毒混
處血脈絡間兩年之久攻之決不應病夫四肢血少氣

多初患當取陽明今已流入陰分遇風冷輒痛溫通逐邪理亦可通然男子未通精之歲必以生陰爲要務調理方法宗錢仲陽麋茸六味壯陰通陽可以常進

麋茸 大熟地 紅花 當歸 枸杞子 杜仲粉

虎脰骨 牛膝

二十日來以甘溫益氣養陰治脾營胃衛後天漸得知饑納食思瘧痢致傷下焦奇經八脈皆損是以倏起寒熱背部畏冷遇風必嗽痰陽維脈無以維持護衛衛疎則汗泄矣從虛損門治



人參 鹿角霜 沙蒺藜 補骨脂 茯神

枸杞炭 鹿茸 當歸身

少腹痼聚從左上升每月事將至經絡腹脇先痛自述
嗔怒病加病在肝俞血海由氣逆血滯故年逾三旬未
得孕育下焦時冷治當理氣血以調經若縷治病樣未
免太拙

當歸 川芎 木香 麝香 香附 桃仁 查肉

葱白 延胡索 吳茱萸 川棟子 小茴香

韭白 水泛爲丸益母草湯送



18.

悲憂哭泣致病不饑欲嘔病屬鬱症治當條達肝胃第

胃為陽土肝寄相火雖結痕氣燥熱未宜

製半夏 白茯苓 炒丹皮 炒神麴 吳茱萸

夏枯草 黑山梔 川連

因噴怒心胸痞脹三年左脇下堅凝有形偶觸勞忿則

寒熱無汗此屬鬱痺氣血延成 氣治當宣通營衛流

行脈絡佐入攻堅俾寒熱得止再議

炒柴胡 生香附 半夏麴 丹皮 紅桃仁 青皮

薑汁炒梔仁 生牡蠣 臨服入煎血五匙



行走多動陽酒濕多變熱熱氣上升犯胃清竅頭蒙聵
 脹衄血成流上齲腐瘍久必漏卮世俗通套每用犀角
 地黃然酒性先入膽次及胃酒客性惡甜膩從苦降定
 議以苦能却濕也

桑葉 苦丁茶 連翹心 荷葉邊 丹皮 射干

瘡傷真陰七八年來每交春季即脊背肩胛脹痛入夏
 更甚冬寒乃瘥凡春夏之時天地大氣發泄至秋冬方
 始歛藏臟真既少升洩病來督脈行身之背自陰而及
 於陽但內傷不復未易見功惟養靜斷慾用藥可希漸

效

鹿角霜

鹿角膠

熟地炭

兔絲餅

青鹽

柏子仁

暑濕乃夏秋時令之病其邪先着氣分氤氲蒙昧有形
無質醫投攻奪乃有形治法氣傷陽損至今肢冷溏泄
何一非陽微腫脹之徵此宜溫補下中莫治眼前

人參

白朮

木瓜

淡附子

益智仁

炒廣皮

厚樸

高年少腹氣衝腕下心肋時痛舌底流涎得甜味或靜

卧少瘥知饑不食大小便日窒此皆陰液內枯陽氣結
閉喻西昌有滋液救焚之議然衰老關格病苟延歲月
而已醫藥僅堪圖倖

24✓
大麻仁

柏子仁

枸杞子

肉蓯蓉

紫石英

炒牛膝

三陰瘡是陰分伏邪汗之清之不解但與膩滯補藥邪
無出路遂致吐衄寒自背起督脈應乎太陽

25✓
川桂枝

熟半夏

炒白芍

炒黑蜀漆

生牡蠣

淮海水醃土潮水土異氣自口鼻受入必聚募原濕邪

久鬱化熱陽明絡損血溢咳嗽視目黃面亮顯然濕熱
變痰况病已數年若是陰虛必不能延久至今也從濕
熱例治

杏仁

厚樸

米仁

赤茯苓

塊滑石

綿茵陳

淋屬肝膽而酒性濕熱之氣肝膽先受滓汁次及腸胃
濕甚熱鬱溺竅悉阻莖管窄隘久病積熱愈深不受溫
補當忌酒肉厚味分利雖投不能却病從經義苦味祛
濕參以解毒

料豆皮

牡丹皮

黑山梔

蘆薈

龍胆草

27.
真青黛 金銀花 胡黃連

陰虛汗泄精遺理應固攝但先哲潛固之藥必佐通滑以引導潛味醫知斯理者鮮矣

熟地 萸肉 杜芡實 五味子 龍骨 遠志

茯神 用猪脊髓金櫻子膏搗和爲丸

28.
幼稚驚癇至十三歲患發每發必於子夜陽動之時想陰未充溢肝風乘陽胃亂神識痰涎上湧治痰清火無效蓋肝爲腎子木中陰火燔灼腎液皆爲上泛矣女子天癸得來斯病當有愈期

